

Vaksinat e fëmijës suaj – Foshnjat e lindura nga data 1 tetor 2024 e tutje

Informacion për prindërit dhe kujdestarët që kanë ardhur në Irlandë nga vende të tjera.

Në këtë broshurë do të gjeni informacione rreth vaksinave për fëmijën tuaj. Vaksinat ndihmojnë për ta mbajtur fëmijën tuaj të shëndetshëm, duke e mbrojtur atë nga sëmundjet infektive të parandalueshme.

Pse janë të rëndësishme vaksinat?

Vaksinat mbrojnë foshnjat dhe fëmijët nga infeksionet që mund t'i bëjnë ata të sëmurën rëndë. Foshnjat shumë të vogla janë më të rrezikuara nga këto infeksione, kështu që vaksinat fillojnë sa më shpejt të jetë e mundur.

Në Irlandë, kalendarit i vaksinimit fillon në moshën 2 muajshe dhe vaksinat e rekomanduara bëhen zakonisht në 5 vizita te mjeku i përgjithshëm ose "GP" kur fëmija juaj është 2, 4, 6, 12 dhe 13 muajsh. Vaksinat që u bëhen foshnjave në Irlandë i mbrojnë ata kundër infeksioneve që janë të zakonshme ose shumë serioze në Irlandë.

Cilat vakcina rekomandohen në Irlandë?

Për fëmijët rekomandohen vakcina për t'i mbrojtur ata nga infeksionet e zakonshme në Irlandë ose që mund t'i bëjnë ata të sëmurën rëndë.

Vizita	Plani i vaksinimit	Vaksinat e bëra
Vizita 1	2 muaj	6 në 1 + PCV + MenB + Rotavirus* <i>3 injeksione + pika nga goja</i>
Vizita 2	4 muaj	6 në 1 + MenB + Rotavirus <i>2 injeksione + pika nga goja</i>
Vizita 3	6 muaj	6 në 1 + PCV <i>2 injeksione</i>
Vizita 4	12 muaj	MMR+MenB+Varicela <i>3 injeksione</i>
Vizita 5	13 muaj	6 në 1 + MenC + PCV <i>3 injeksione</i>

*Nuk është bërë vaksinë Rotavirus nga 8 muajsh 0 ditë e lart

Cilat janë ndryshimet midis vaksinave të bëra në vendet e tjera dhe vaksinave që bëhen në Irlandë?

Shumë nga vaksinat që bëhen në Irlandë jepen edhe në vende të tjera. Për shembull, vaksinat për të mbrojtur kundër difterisë, poliomielitit, tetanozit dhe fruthit u jepen fëmijëve në shumicën e vendeve.

Mund të ketë dallime në disa nga vaksinat e rekomanduara në Irlandë në krahasim me ato në vendet e tjera. Kjo për shkak se mund të ketë ndryshime midis sëmundjeve që janë të zakonshme në Irlandë në krahasim me vendet e tjera. Për shembull, në Irlandë ne japim vakcina që mbrojnë fëmijët kundër sëmundjes së meningokokut B dhe C. Këto infeksione mund të shkaktojnë meningjit dhe septicemi. Këto vakcina nuk janë pjesë e kalendarit të imunizimit në disa vende. Por këto rekomandohen në Irlandë për të mbrojtur fëmijët kundër këtyre infeksioneve shumë të rënda.

Fëmija im i ka bërë të gjitha vaksinat në një vend tjetër. Pse i duhen vakcina të tjera tani që është në Irlandë?

Meqenëse fëmija juaj tani jeton në Irlandë, ai duhet të ndjekë kalendarin e vaksinimit

të Irlandës. Vaksinat e rekomanduara në Irlandë i mbrojnë fëmijët nga sëmundjet e zakonshme në Irlandë ose që mund t'i bëjnë ata të sëmuren rëndë. Fëmija juaj duhet të "plotësohet" me vaksinat që rekomandohen në Irlandë. Ai nuk ka nevojë të përsërisë vaksinat që i ka bërë tashmë në një vend tjetër.

Nga cilat sëmundje e mbrojnë fëmijën tuaj këto vakcina shtesë?

Vaksina orale e rotavirusit

Rotavirusi është një infeksion viral që shkakton diarre dhe të vjella te foshnjat dhe fëmijët e vegjël. Shumica e fëmijëve do të shërohen në shtëpi, por disa duhet të shtrohen në spital. Rreth 880 fëmijë nën moshën 5 vjeç shtroheshin në spital me infeksion rotavirus çdo vit në Irlandë përpara se të futej vakcina e rotavirusit. Ky numër ka rënë në mënyrë dramatike që kur është futur vakcina e rotavirusit. Vaksina e rotavirusit mund t'u jepet vetëm foshnjave nën moshën 8 muajshe.

Vaksina e meningokokut B (MenB)

Vaksina MenB ndihmon për të mbrojtur fëmijën tuaj nga sëmundja e meningokokut B. Ky është një infeksion bakterial i rëndë që mund të shkaktojë meningjit (inflamacion i cipës rrethuese të trurit) dhe septicemi (helmim i gjakut). Meningokoku B shkakton shumicën e infeksioneve dhe vdekjeve nga meningjiti i fëmijëve të vegjël në Irlandë. Vaksina MenB nuk jepet zakonisht pas moshës 2 vjeçare.

Vaksina e meningokokut C (MenC)

Vaksina MenC ndihmon për të mbrojtur fëmijën tuaj nga sëmundja e meningokokut C. Ky është gjithashtu një infeksion bakterial i rëndë që mund të shkaktojë meningjit (inflamacion i cipës rrethuese të trurit) dhe septicemi (helmim i gjakut).

Vaksina kundër pneumokokut (PCV)

Vaksina PCV mbron kundër sëmundjes që shkaktohet nga bakteret e pneumokokut. Këto baktere mund të shkaktojnë sëmundje të tilla si meningjiti (inflamacion i rreshtimit rreth trurit), pneumonia (një infeksion i mushkërive) ose septicemi (helmim i gjakut). Vaksina PCV nuk jepet zakonisht pas moshës 2-vjeçare.

Lija e dhenve (Varicela)

Lija e dhenve shkaktohet nga një virus shumë ngjitës. Ai shkakton një acarim të lëkurës me flluska që shkakton kruarje dhe simptoma të tjera si temperaturë dhe ndjesi të të qenit sëmurë. Lija e dhenve mund të shkaktojë sëmundje më të rënda si encefaliti (inflamacion në tru), pneumoni (infeksion i mushkërisë) dhe miokardit (inflamacion i zemrës).

Cilat janë efektet anësore të këtyre vaksinave?

Efektet anësore pas vaksinave zakonisht janë të lehta dhe të zgjasin vetëm për disa ditë.

- Një temperaturë e lartë është e zakonshme pas një vaksine MenB. Merrni me vete paracetamol të lëngshëm për foshnjat në dy vizitat tuaja të para, nëse fëmija do të bëjë vaksinën MenB. Kjo do të ndihmojë me temperaturën.
- Ndonjëherë fëmijët mund të kenë dhimbje, ënjtje dhe skuqe në zonën ku është bërë injeksioni. Sigurohuni që rrobat të mos jenë shumë të ngushta.
- Diarreja e lehtë është normale pas vaksinës oral të rotavirusit. Jepini fëmijës tuaj shumë qumësht. Lani duart me kujdes pasi të keni ndërruar dhe hedhur pelenën e fëmijës suaj.

- Mbajtja në krahë dhe ushqyerja do të ndihmojnë që fëmija të ndihet më mirë pas vaksinave.
- Ndonjëherë fëmijëve u ndodh acarim i lehtë i lëkurës me disa pulla pas vaksinës së lijes së dheneve. Kjo mund të ndodhë 5-26 ditë pas vaksinimit. Acarimi i lëkurës kalon vetë pa nevojën e trajtimit. Nëse fëmijës suaj i ndodh ky acarim i lëkurës, mund të lexoni më shumë këtu ose të komunikoni me infermierin ose mjekun tuaj.

Ku mund ta vaksinoni fëmijën tim?

Në Irlandë, mjekët e përgjithshëm (GP) ua bëjnë vaksinat fëmijëve. Infermierja zakonisht u bën foshnjave vaksinat e tyre, nën drejtimin e mjekut të përgjithshëm. Mund të ketë klinika të tjera të organizuara nga shërbimi shëndetësor për t'u bërë fëmijëve vaksinat që u nevojiten. Për shembull, infermieret dhe mjekët e Shërbimit Shëndetësor Irlandez (HSE) organizojnë klinikat që të vaksinonjë fëmijët që janë refugjatë ose aplikantët mbrojtës.

Si mund të caktoj një takim me një mjek të përgjithshëm?

Duhet të prenotoni një takim me një mjek të përgjithshëm (GP). Për informacione se si të gjeni një GP, shihni informacionin këtu. Nëse nuk keni një GP, ekipi lokal i HSE-së për vaksinimin mund të organizojë klinikat ku mund të vaksinohet fëmija juaj.

Çfarë ndodh në vizitën e vaksinimit?

Para bërjes së vaksinës, infermierja ose mjeku do të flasni me ju për vaksinat që i nevojiten fëmijës suaj duke ju sqaruar për secilën vaksinë. Pas vaksinimit do të merrni një dokument 'Kartelë vaksinimi' ku detajohen vaksinat që ka bërë fëmija juaj. Është shumë e rëndësishme që ta ruani të sigurt kartelën e vaksinimit, si një dokument për vaksinimin e fëmijës suaj. Është e rëndësishme që ta merrni me vete këtë dokument në çdo vizitë tjetër vaksinimi.

A duhet të paguaj për vaksinimin?

Jo. Vaksinimi është falas në Irlandë.

A ka ndonjë vaksinë që rekomandohet për fëmijët më të rritur?

Kur fëmijët janë në shkollë, atyre u rekomandohen vaksina.

Në fëmijët e vegjël (5 vjeç): Vakcina MMRV për mbrojtjen nga fruthi, shytat, rubeola dhe lija e dheneve dhe një dozë përforcuese për difteritin, tetanozin, pertusisin (kollën e mirë) dhe poliomelitin. Këto vaksina ofrohen në shkollë.

Në vitin e 1-rë të shkollës së mesme (12 vjeç): Vaksinat për HPV, MenACWY (meningokok ACWY) dhe një dozë përforcuese për difteritin, tetanozin dhe pertusisin (kollën e mirë). Këto vaksina bëhen në shkollë.

A ka ndonjë vaksinë që rekomandohet për të rriturit?

Po. Të rriturit që nuk kanë marrë disa vaksina rekomandohet që t'i marrin ato. Për shembull, vakcina MMR që mbron nga shytat, fruthi dhe rubeola rekomandohet për të rriturit që nuk e kanë marrë kurrë këtë vaksinë. Flisni me një anëtar të ekipit lokal të HSE-së për vaksinimin, me infermierin ose mjekun tuaj të përgjithshëm.

Kam disa pyetje në lidhje me vaksinimin, me kë mund të flas?

Flisni me një anëtar të ekipit lokal të HSE-së për vaksinimin, me infermierin ose mjekun tuaj të përgjithshëm. Nëse klinikat e tjera janë organizuar nga shërbimi



shëndetësor për t'u bërë vaksina fëmijëve, për këtë mund të flisni gjithashtu me mjekun ose infermieren në këto klinika.

Për më shumë informacion vizitoni www.immunisation.ie